



Andreas Felix, Duri Campell, Elisabeth Mani-Heldstab, Daniel Buchli, Kenneth Danuser, Urs Hardegger (da sanestra).

MAD

Elegì nov president e preschentà candidats

Radunanza generala da la pbd Mantogna/Tumleatga

■ **Dacurt ha la radunanza generala (RG) da la partida cirquitala da la pbd Mantogna/Tumleatga gi lieu en la chasa d'uffants Scalottas a Scharans. Il president Walter Grass ha tractà las tractandas a moda speditiva. Cunquai ch'igl è stà ses ultim act uffizial sco president suenter set onns ha el dà in sguard retrospectiv sin las sfidas passadas.** Sco nov president è vegnì elegì *Kenneth Danuser*, deputà da Cazas. Ils auters commembers da la suprastanza èn vegnids reelegids per in'ulteriura durada d'uffizi. Suenter la RG ha gi lieu ina runda da preschentaziun cun ils candidats per il cussegl naziunal da la pbd Grischun. Manà ella ha il deputà *Ueli Bleiker*.

Elisabeth Mani-Heldstab, deputada e scolasta, ha fatg palais sias posiziuns sin

il sector da la furmazion, cunzunt perturgant il Plan d'instrucziun 21. Il deputà, agricultur e turisticher *Duri Campell* ha demussà ils puncts da vista cuntradicterics da l'iniziativa per la segirezza alimentara e la cuntrada d'hotels futura. *Andreas Felix*, deputà e manader da fatschenta da la Societad grischuna dals impressaris constructurs, ha preschentà sias propostas per ina soluziun concernent la politica d'asil e mussà las difficultads en connex cun la realisaziun da la lescha davart la planisaziun dal territori revedida. *Urs Hardegger*, deputà e spezialist da sanadad, ha preschentà a maun da sia experientscha professiunala eventualas pussaivladads da spargnar che pon vegnir realisadas unicamain cun ina planificaziun restrictiva. *Daniel Buchli*, deputà e mainagestiu dal lavuratori communal e

forestal da la Val Stussavgia, ha preschentà il concept dals gronds implants hidroelectrics che duai servir en il futur a l'economia publica periferica che sa chatta en in ambient difficil.

En il rom d'ina runda da dumondas animada ch'ils numerus commembers e simpatisants han nizzegià èn vegnidas fixadas las suandantas posiziuns: Sustegnair la lantschada d'ina candidatura chantunala per l'olimpiada d'enviern 2026; dir in cler GEA a la construcziun d'in segund tunnel dal Gottard; preteneder che la legislaziun adesiva areguard l'iniziativa cunter abitaziuns secundaras pussibileschia in svilup da las regiuns perifericas; tractar egualmain tut las quatter linguas naziunalas; nizzegiarschanzas en il turissem da sanadad

Kenneth Danuser